

Prof. Dr. Lamija Zečević-Pašić

Zečević-Pašić je vanredna profesorica za oblast Imunologija. Diplomirala je na Medicinskom fakultetu Univerziteta u Sarajevu 2003. god. Akademski naziv magistra medicinskih nauka stekla je 2013. godine odbranom magistarske teze pod naslovom: "Korelacija između nivoa CD4+CD25+ Treg limfocita sa težinom kliničke slike (PASI) kod oboljelih od psorijaze". Godine 2018. odbranila je doktorsku disertaciju pod nazivom: "Vrijednosti interferona alfa i imunofenotipske karakteristike B i T regulatornih limfocita kod oboljelih od sistemskog lupus eritematodesa".

U više navrata provela je studijski boravak na institutima i klinikama za imunologiju u referentnim evropskim centrima poput Lyona, Leedsa i Ljubljane. Kao autorica i koautorica, objavila je više od 30 naučnih i stručnih radova u domaćim i stranim relevantnim časopisima. Učestvovala je u pisanju 16 poglavlja u 7 knjiga iz oblasti kliničke imunologije, koja se bave oboljenjima posredovanim imunim sistemom, imunosupresivnom terapijom, transplantacionom imunologijom i neuroimunologijom. Njena istraživanja fokusiraju se na autoimune bolesti, alergije i imunodeficijencije.

Pored akademskog rada, Prof. dr. Lamija Zečević – Pašić aktivno se bavi kliničkom praksom. Nakon što je 2009. godine položila specijalistički ispit iz kliničke imunologije, nastavila je s daljim usavršavanjem i 2015. godine stekla je titulu subspecijalista kliničke imunologije i alergologije. Kao šef OJ Klinička imunologija u Kliničkom centru Univerziteta u Sarajevu, prof. dr. Lamija Zečević-Pašić je odgovorna za vođenje tima stručnjaka i organizaciju visokospecifičnih analiza tercijernog nivoa zdravstvene zaštite koje se fokusiraju na savremene metode dijagnostike.

U svojstvu glavnog mentora/ komntora za specijalizacije i subspecijalizacije učestvuje u stručnom usavršavanju zdravstvenih radnika (doktora medicine, doktora stomatologije, magistara farmacije).

Član je Udruženja imunologa Bosne i Hercegovine od osnivanja 2015. godine, od kada obavlja i funkciju člana UO Udruženja.